

جَزَائِرْ عَظِيمَة

جمعه ایرتسی

تومرو	محرم الحرام	سنه	مایس	سنه	صیقه
۹۸۰	۱۴	۱۳۱۶	۲۳	۱۳۱۴	۱۳۹۹۷

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکرمی فروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکرمی فروش اولق اوزره یوز پاره یه هر یرده صابونلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارنی)
 (دأره سنده کائن جریده محاکم اداره سنه مراجعت ایلیلدر)

قسم رسمی

(فی ۲۹ ذی الحجه سنه ۳۱۵ وفی ۸ مایس)
 (سنه ۳۱۴ تاریخیه بالجمله ولایات استیناف)
 (محکمه سی مدعی عمومیلرینه ومدعی عمومی)
 (بولنمیان محللر مدعی عمومی معاونلرینه یازیلان)
 (تحریرات عمومییه صورتیدر)

دیگر محله نقل وامرار ایدیلان صابونلردن
 عند المعاینه مضر صحت اجزا ایله مخلوط اولدینی
 تبین ایدنلر حقنده اولنه جق معامله نك استفسارینی
 حاوی رسومات امانت جلیله سنندن وارد اولان
 تذکره شورای دولته لدی الحواله ممالک محروسه
 شاهانه داخلنده اعمال اولتان مضر صحت صابونلرک
 کمرکلره ورودنده بوقییلدن اولان معمولات اجنبیه
 مثللو کلدنکری محللره اعاده سی حائنده مقصد اصلی
 حاصل اوله میه جفتدن اومقوله صابونلرک کمرکلرجه
 اصول وامثالی وجهله بالمعاینه مضر صحت اجزا ایله

معمولات داخلیه دن اوله رق بآند کره بر محلدن

قسم غیر رسمی

قره سی بدایت محکمه سندن ۸ شباط سنه ۳۱۲
تاریخی والتمش عددی ایله استینافاً ویریلان
اعلامدن مابعد

فستی ایله مستأنف حق بک طرفدن درمیان
اولان مرور زمان ادعاسنک ردینه دائر صادر
اولان اعلام محکمه تمیز استدعا دائره سنجه تصدیق
اولن ورق محکمه مذکور جه اساس ماده حقنده
جریان ایدن محاکمه ده مومی ایله حق بک
منازع فیہ ترلا والدہ سنک اولوب کندوسی دخی
والده سی نامنه زراعت ایتمکده اولدینی افاده
وبرقطه طابو سندی ابراز واعطا ایتسی اوزرینه
جریان ایدن تدقیقات نتیجه سنده مومی ایله محمد
بک منازع فیہ ترلای شریفه خانم له سید
محمدن اشترا ایتسی اولدینی مبرز سندن خاقانی
مندرجاتنه انضمام ایدن شهودک شهادت واقعه سیله
ثابت اولوب هر تقدیر شهود مستمه مذکور
ترلاده حصه دار بولنان علیه وخدیجه ماویش
قادیلرک حصه لرینی صاندق لرینی بیان ایتمکده

مخلوط بولندینی تبیین ایلدیکی خالده جزا قانوننامه
هایوننک یوز طقسان التجی ماده سی موجبنجه
ضبط ومصادره سیله ذکره القاسی وایشک اصول
ونظامی وجهه عائد اولدینی محکمه یه تودیی لازم
کله جکی تنظیمات دائره سندن بامضبطه افاده اولدینی
بیان عالی سیله اکاکوره معامله لازمه نک ایفاسی
۸ ایلول سنه ۳۱۳ تاریخلی تذکره سامیه ده امر
واشعار بیورلش کیفیت بالجمله استیناف محاکمی
مدعی عمومیلک لرینه تبلیغ ایدلش اولدینی کبی
اشبو تحریراتک نسخ مطبوعه کافیه سی دخی لفا
ارسال قلنش اولعله مأموریت داخلنده
بولنان محاکمه اولوجهله ایفای معامله یه اعتنا اولمسی
سیاقنده شقه ترقیم قلندی

ایسه لرده مزبور لک حصه لرینک بیی ایچون
اراضی مأمورینک اذنی بولندینی غیر متحقق
ایدوکنه ومنازع فیہ ترلانک حدودی دخی ثابت
اولسنه مبنی مذکور ترلادن شریفه خانم له سید محمد
حصه لرندن مستأنف مومی ایله حق بکک منع
مداخله سنه حکمدن ومستدعی تمیز حق بکک
اشبو حکم علیهنده لایحه سنده محرر اعتراضاتک
خلاصه سی دعوی واقعه عقاره متعلق اولدینی
جهتله اول امرده توجه خصوصت ایچون ذی الید
لک مسئله سنک بالینه اثبات ایتدیرلماسی
وکندو سنک اشترا سی مدعیدن مقدم اولوب
مجهله نک ماده مخصوصه سی موجبنجه ینه سی مرجح
ایکن ترجیح ایدلکسز بن مدعینک اقامه ایتسی
اولدینی شهودک شهادت بنای حکم ایدلسی
یولسز ومقابر قانون اولدیندن بحثله اعلامک
تقاضی استدعاسندن ومدعی علیه محمد بکک لایحه
سنده مندرج نتیجه اجوبه سی ایسه اعتراضات
مسروده نک واهی و بی اساس اولدینی بیانیه
ردی وموافق اصول وقانون اولان اعلامک
تصدیق طلبندن عبارت بولنشدر

ایجابی مذاکره اولندقدہ اعلام مذکور
مطالعہ سندن منہم اولدینی اوزره مومی ایله حق

بک منازع فیہ ترلا والدہ سنک اولوب کندوسی
ایک طرف سندن زراعت ایتمکده اولدینی مدافعه
بیان وبونی مؤید برقطه طابو سندی دخی ابراز
ایدلش اولدینی جهتله مجله نک بیک التیوز اوتوز
یدنجی ماده سی موجبنجه عندالحاکم والدہ سنک
دخی حصه وريله اجرای محاکمه ایدلک مقضی
ایکن محکمه جه بویولده اجرای معامله اولنماش
ومستدعی تمیز کندولرینک تصرفی مقدم اولغله
کندو ینہ لرینک ترجیح واستماعی لازم کله جکی
سویلدیکی خالده بوجهتک مسکوت عنه بر اقلمش
واستماع قلنان شاهدلر مکان وتاریخ بیعده اختلاف
ایدلکاری خالده شهادت لری قبول وموجبنجه
حکم ایدلش اولوب بواحوال ایسه یولسز ومقابر قانون
اولدیننه ومستدعینک اعتراضی دخی بوجهته
متداثر اوله رق شایان قبول بولندیننه بناء اصول
محاکمه حقوقیه قانونک ایکی یوز اوتوز ایکنجی
وایکوز قرق برنجی ماده لری موجبنجه اعلام
مذکورک نقضیه قانون مذکورک ایکیوز قرق
درنجی ماده سی حکمنه توقیفاً کیفیتک صور محرره
وجهله اعلامه ربطی ضمنتده محکمه مذکور به
اعاده سنه وزیرده مفرداتی مرقم ایکیوز سکسان
سکز بچق غروش مصارف تمیزیہ نک ایلروده

حقسز حيقه چق طرفه رجوع ايتك اوزره اول امرده مستدعي موسى اليه حق بكدن النسخه ۲۱ حزيران سنه ۱۲۳ تاريخنده متفقاً قرار ويرلدى .

بيروت تجارت محكمه سندن ۱۱ تشرين اول سنه ۳۰۹ تاريخى ويوز بش عددى ايله وريلان اعلامك تميزنى استندا ايدن بيرونك بازرگان چارشوسنده مقيم اصنافدن خواجه اسكندر سروفيم ايله مدعى عليه كراسته تجارندن خوجان صائغ وغابريل دعوت واقعه به اجابت ايتامش اولدقلر نندن باش مدعى عمومليك مأموريت عليه سنك مطالعه نامه مى الندقدينكره اعلام مذكور طرفينك اعتراض وجواب لايحه ليله بالمطالعه تدقيقات تميزيه اجراسنه ابتدار اولدى .

اعلام مذكور خلاصه مالى مرقومان صائغ وغابريل كندولرينك مزبور اسكندر سروفيم ذمتده قطران چاپه مى اتمانندن بيك

درتيوز اوتوز غروش الاجه لرى اولديندن بختله مبلغ مزبورك مذكور اسكندر سروفيمدن تحصيلى بيروت تجارت محكمه سنه بالمراجعه طلب ودعوى ايتلمر بيه قارشو مدعى عليه مزبور اسكندر سروفيم دخى مبلغ مدعا بهك كراسته اتمانندن طولاني مدعيله بورجى اولدينى اقرار ايله برابر الحق مبلغ مزبوردين بيك اونبر بيق غروشى وقوعبولان طلبلىرى اوزرينه مرقومانك خدمتكارى چرجى سر كس نام كسنيه تسليم واعطا ايلديكنى وباقي قلان درتيوز كسور غروشك ايفاسنه حاضر بولندينى باليان مرقوم چرجى سر كسك دخى محكمه به جلب واستجواب ايدلمنى مدافعه افاده وتذكار ايتنى اوزرينه مرقوم سر كس جلب اولندقدينكره جريان ايدن محاكات وتدقيقات نتيجه سنده مرقوم چرجى سر كس ايكي دفعه ده مدعى عليه مزبور اسكندر سروفيمدن بيك اونبر غروش المش ايدوكنى وكندوسنك مدعيله سبق ايدن خدمتى اجرتنه محسوب ايلديكنى درميان ايلمش ايسه ده مدعى عليه مزبورك بوسورتله وقوعبولان اشيو تسليماى مدعيلرك دفترلر نده مقيد اولدينى لدى التدقيق اكلا شلدينى مرقوم چرجى سر كسك مبلغ مذكورى كندوسندن اخذ وقبضه مدعيلر

طرفندن مأذون بولندينى دخى مدعى عليه مرقومك على الاصول اثبات ايدمه مسنه مبنى اصول محاكمه حقوقيه قانوننك التمش سكرنجى ماده مى موجبجه مبلغ مذكورك مع فائض مدعى عليه مرقوم خواجه اسكندر سروفيمدن تحصيليله مدعى عليها صائغ وغابريه اعطاسنه ومدعى عليه اسكندر سروفيمك دخى چرجى سر كسه اعطا ايلديكى بيك كسور غروشدن طولاني ايروجه اقامه دعوا ده مختار بولنسنه حكمدن ومستدعي تميز اسكندر سروفيمك اشبو حكم عليهنده لايحه سنده محرر اعتراضك باشلوجه مى مبلغ مدعا كندوسنك خانه سنك انشا آتسه صرف اولنق اوزره مبايعه اولنان كراسته نك اتماننه متدائر بولنمش اولسنه نظراً دعواى واقعه نك اساساً فصل وحسمى حقوق محكمه سنه عائد اولديى حالده وظيفه خارجنده اوله رق تجارت محكمه سنجيه تدقيق ورؤيتى طرفنه كيدلمى مغاير قانون اولديندن بختله اعلامك تقضى استدعا سندن ومدعى عليها نك لايحه لر نده محرر نتيجه اجوبه مى اعتراضات واقعه نك رديله موافق قانون اولان اعلامك تصديق طلبندن ومعاون موسى اليهك مطالعه مى دخى مستدعي تميزك سائر اعتراضاتى مياننده وظيفه حقنده دخى سرد اعتراض ايدنيور

ايسه ده طرفينك صفت تجاريه يى حائر اولسنه ودعواى واقعه نك معاملات تجاريه لر نندن متولد بولنسنه مبنى اعتراض مذكورك موافق قانون كوريله مديكى بيانندن عبارت بولنشد .

ايجابى مذا كره اولندقده اعلام مذكور مأندن اكلا شلدينى اوزره طرفين صفت تجاريه يى حائر ايسه لر ده مستدعي تميز مرقوم اسكندر ك مدعى عليها صائغ وغابريلدن اشترا ايتديكى كراسته يى كندى خانه سنك تعميرى ايجون الدينى جهتله اشبو معامله معاملات تجاريه دن اوليوب معاملات عاديه دن بولنسنه نظراً دعواى واقعه نك حقوق محكمه سنده رؤيت اولنسى لازم كلور ايكن تجارت محكمه سنجيه فصل ايدلمى وظيفه خارجنده اوله رق مخالف اصول وقانون اولديندن اصول محاكمه حقوقيه قانوننك ايكوز اوتوز ايكنجى ماده مى موجبجه اعلام مذكورك تقضيله قانون مذكورك ايكوز قرق اوچنجى ماده مى حكمه توفيقاً كيفيتك عائد اولدينى حقوق محكمه سنه حواله سنه وزير ده مفرداتى مرقوم درتيوز الى غروش مصارف تميزيه نك ايلر وده حقسز حيقه چق طرفه رجوع ايتك اوزره اول امرده مستدعي

تمیز اسکندردن اخذینه ۲۲ خیزان سنه ۳۱۱
تاریخنده متفقاً قرار ویرلدی .

قیصریه ده مقیم کورک اوغلان اوغلی اسماعیل
ایله قیصریه اهالیسندن چنگلی اوغلی عثمان یئینده
متحدث دعوایه دائر قیصریه بدایت محکمه سندن
۲۴ ایلول سنه ۳۰۸ تاریخی ویکرمی عددی ایله
ویریلان اعلام مرقوم عثمان طرفندن تمیزاید لیکله
طرفینک اعتراض وجواب لایحه لریله بالمطالعه
تدقیقات تمیزیه اجرا سنه ابتداء اولندی .

اعلام مذکورک خلاصه مالی مرقوم
اسماعیل انبار موقوفه کائن تحت ایجارنده بولنان
ایکی قطعه ترلایه بوستان دیکمک ایچون مرقوم عثمان
بهر بطمانی بر مجیدیه بمسایه ایلدیکی الی بطمان
بوی آباد قاون چکر دکنک خلاف مقاوله اوله رق
طورقال یعنی اجنبی قاون چکر دکی اولدینی محصو
لاتیله نظامر ایتدیکندن بمسایه بوبابده دوچار
اولدینی درت بیک غروشه قریب ضرر و زیانک

مع مصارف محاکمه مرقوم عثماندن تحصیلنی طلب
وادعا تمسینه قارشو مدعی علیه مرقوم عثمان دخی
دعوی واقعه نک مرجع رؤیتی محکمه شرعیه
اولدینی درمیان ایتمش ایتسه ده ادعا نک ردیله ضرر
واقعک اجرای کشفنه دائر قرارک لاجل الا
ستیناف اعلام شککنده طرفه اعطاسنی مرقوم
عثمان طلب ایدوب خرج نظامیسی ایضا ایدمه مامسندن
فاشی استیناف دعواسندن فراغتله اساس دعوی
حقننده اعطا ایتدیکی صریح حال مدعی مرقومک
تضمینات طلب ایدمه بیلیمسی اولبابده پروتستو
کشیده سنه وابسته اولوب حالبوکه مدعا به چکر دکنک
کندوسی طرفندن بوی آباد چکر دکی اوله رق
بالمایه مرقومه دخی اوله جه فروخت ایلدیکنندن
وفرض محال اوله رق طورقال اولسه بیله پروتستو
ایله اخطار کیفیت ایتدیکی کبی میسک عینه
مطلع اولدقدن صکره تصرفله خیار عینی اسقاط
ایلدیکنندن اولبابده کی ادعا سنک ردینی بسط
واتیان و بوبابده کی مدعاسنی شهود شخصیه ایله
انبات ایدمه جکنی تذکار ایتمش ایتسه ده اقله
ایتدیکی شهودک درجه نصایده کوریه مامسندن
طولانی مدعی علیه مرقومک بریمین طلبته حق
اوله جنی قهیم اولدقدن و طلبیه مدعا بهک خیار
عینی بعد الاسقاط دعوا به قیام ایلدیکنه دائر

مدعی نک تحلیلی اجرا اولدقدن و مدعی مرقومک
عند الکشف تبیین ایدن ضرر و زیانیله محکمه به
اراز ایلدیکی دفترده مفرداتی محرر بیک یدییوز
یتش ایکی غروش مصارفک مدعی علیه دن
تحصیلی حقننده سرد ایلدیکی ادعا سنک استماعندن
صکره محکمه جه مدعی مرقومک ذکر اولنان
ترلایه دیکدیکی چکر دکنک مدعی علیه دن مبايعه
ایلدیکی چکر دکنک اولدینی اثبات ایتمش و مدعی
علیهک دخی پروتستو کشیده اولتماش اولان
بومقوله ضرر و زیان دعوالرینک استماعنه مساع
قانونی اولدینی حقننده کی ادعا سنک ردی یولنده
ویریلان قراری مدعی علیه مرقوم لاجل الا
ستیناف اعلام شککنده طلب ایتمش ایتسه ده قرار
واقعک نتیجه حکمی احساس ایتدیرر قراردن
اولدقدن طلب واقعک ردیله دوام محاکمه
متضمن ویریلان قرار اوزرینه مدعی علیه
مرقومک مجابو دن وقوع امتناعنه مبنی تعیین
قلنان وکیل مسخر حضوریله جریان ایدن
محاکمات و تدقیقات نتیجه سننده مدعی مرقومک
برمنوال محرر مدعی علیه دن بوی آباد چکر دکی
دیو مبايعه ایلدیکی چکر دکنک طور قال چکر دکی
اولدینی اولبابده اجرا قلنان کشف و عند الحاکمه
اراز اولنان ایکی قطعه راپور مندرجاتی و مدعی

علیهک واقع اولان اقراریه ثابت اولسنه بناء
مجله نک الی یوز الی سکرنجی ماده سی موجب نهجه
مدعی مرقومک بوبابده دوچار اولدینی اوچیک
طقوز یوز اوتوزیش غروش ضرر و زیانک مدعی
علیه دن تحصیلنه حکمدن و مستدعی نک لایحه سننده
محرر اعتراضاتی لاجل الکشف طرفندن تعیین
اوله جق اهل وقوفک اسملرینی محکمه به اخبار
ایدرك کشف ایچون تعیین اولنان کونده اله
ایده مدیکنی بالیان مهلت طلب ایللمشیکن اشو
طلبنه حواله سمع اعتبار اولغیه رق خصمی
طرفندن تعیین قلنان اهل خبره نک اخباراتی
اوزرینه تنظیم اولنان راپوره بنای حکم ایدلمسی
ومدعا به چکر دکنک بوی آباد چکر دکی اولیوب
طورقال چکر دکی اولدینی ثابت اولدینی حالده
بیعک بطلالانی لازم کلور کن قیصریه بدایت
محکمه سنجه بوقطه دن دخی ذهول اوله رق
رسماً پروتستو ایله طلب ایدلماش ضرر و زیانک
تحت حکمه الخمسی و بیعک عینه مطلع اولدقدن
صکره تملیکک لوازمندن اولان شی ایله تصرف
وقوعنده حق فسخی ساقط اوله جنی درکار ایکن
محکمه جه بوراسنه دخی عطف نظر دقت ایدلماسی
واستماع اولنان شهودک دعوی مجبوتیه موافق
شهادت ایدمه مدکاری حالده محکمه جه قبول شها

دتلرینه قرار ویرلمی و عندالحا که ابراز اولان
مصارف دفترینک کیفیت و کتبی حقنده سرد
ومدافعه به داتر ویریلان قرارک لاجل الاستیناف
طرفنه اعطاسنی طلب ایتمش ایکن اشبو طلبی
مجاوبه دن امتناع عد اولنه رق عن الغیاب رؤیت
دعوی اولنسی و کندوسنک بوبابده اقامه ایده جکی
شاهدلردن ایکسینک اطنه ده بولنسی ملاسه سیله
مهلت طلب اولدینی حالد بوکادخی محکمه جه
التفات اولنماسی و دعوی واقعه نک رؤیتی محکمه
شرعیه عاذایکن محکمه نظامیه جه رؤیت اولنسی
مغایر قانون اولدیفندن بختله اعلامک تقضی استدعا
سندن ومدعی علیک لایحه سنده مندرج نتیجه
اجوبه سی دخی اعتراضات واقعه واهی و بی
اساس ایدوکی بیانیه ردی و موافق قانون اولان
اعلامک تصدیق طلبندن عبارت بولنمشدر .

ایجابی لدی المذاکره اعلام مذکورک نتیجه
مفادی مدعی مرقوم اسماعیلک برمنوال محرر
مدعی علیه مرقومدن بوی آباد چکرده کی دیو
مبايعه ایلدیکی چکرده ک طور قال اولدینی اجرا
قلنان کشف و مبرز راپور مندرجانی ومدعی علیک
وقوعبولان اقرار واعترافیه تحق ایدرک بوبابده
دوچار اولدینی اوج بیک طقوز یوز اوتوز بش

بالیکسیرک بورکچیلر محله سنده مقیمه سیوری
حصارلی قزی نازلی ایله محله مذکورده ساکن
قصاب چانیک ییننده منجده دعوییه داتر قره سی
بدایت محکمه سندن ۲۲ کانون اول سنه ۳۰۹
تاریخی وسکسان بش عددی ایله ویریلان اعلام

مرقوم قصاب چانیک طرفندن تمیز ایدلمکله
اعلام مذکور طرفینک اعتراض وجواب لایحه
لریله بالمطالعہ تدقیقات تمیزیه اجرا سنده ابتدار
اولندی .

اعلام مذکورک خلاصه مالی مزبور
نازلینک متوفی زوجی حاجی مقصوددن کندوسیه
مرقومک اروقز قونداشلرینه انتقال ایدن قره
اوغلان محله سنده کائن معلوم الحدود بر باب خانه ده
اولان ربع حصه سی سنوی دردر یوز غروشدن
اوج سنه مدت و بیک ایکی یوز غروش اجرت
ایله مرقوم قصاب چانیکه ایجار ایلدیکی حالد
بدل ایجاری ویرمدیکی کبی مذکور خانیه دخی
ضبط ایلمش اولدیفندن بدل ایجاردن متراکم
اولان بیک ایکی یوز غروشله مذکور خانیه
قبو حفری و قالدیرم فرش و قیو اوستنه اورتی
انشاسی حقنده کی مقاوله یی اجرا ایتماسندن
طولانی الاجلری اولان سکزیوز غروشکه جمعا
ایکی بیک غروشک ربی اولوب کندو حصه سنده
اصابت ایدن بشیوز غروشک تحصیلیه خانه نک
تخلیه سی طلب ودعوی ایتسنه قارشو مدعی علیه
چانیک دخی کندوسی سنوی درت یوز غروش
بدل ایله مذکور خانیه استیجار ایتمش ایتسه ده

موجرہ مزبورہ نازلی طرفندن الی آی صکرہ
اجارہ فسح اولنه رق مذکور خانہ نک ربع حصہ
سی مزبورہ نازلیدن ومتباقیسی دیگر حصہ
دارلردن درت بیک یوز غروش بدل مقابلندہ
اشترا وسائر حصہ دارلرک حصہ سی اولان اوج
بیک یتمش بش غروشی کندولرینہ تسلیم ایتدیکی
کبی نازلینک حصہ سنے اصابت ایدن بیک یکر می
بش غروشدن بدی یوز غروشی حوالہ
ومتباقیسی تقدأ تسلیم ایتدیکی مدافعة درمیان
ایتمش وشخص ثالث صفتیله داخل دعوی اولان
کل خانمک مزبورہ نازلینک زوجی متوفی حاجی مقصود
ترک سنده اولان معلولانک تأمین استیقامی ضمانندہ
مذکور خانیه یی جز ایتدیردیکی بالیان برقطعه
اخبارنامہ ابراز ایلمسنه و اخیراً تعیین قلنان کونده
مدعی علیه چانیکک محکمه یه کلامسنه مبنی وکیل مسخر
تعیینیه غیاباً اجرا قلنان محاکمه وتدقیقات نتیجه
سندہ عند الاعتراض مدعیہ نک اثبات مدعی
ایتسنه واثبات ایدمه مدیکی حالد مدعی علیک
یمینہ تعلیقاً مجله نک بیک سکزیوز اون سکزیجی
ماده سی موجبجه مبلغ مذکوردن مدعیہ
نازلینک ربع حصہ سنے اصابت ایدن بش
یوز غروشک مزبور چانیکدن ومذکور
خانہ نک ربی مدعیہ نک اولوب قسم متباقیسنک

محمود اولدینی جهته مجموعه مدعی علیه
جانیك مداخله سنك منعه حكمدن واشبو حكم
عليه مستدعی تمیز قصاب جانیك لایحه سنده
مندرج اعتراضك باشلوجه سی مدعیه دن اثبات
طلب اولمقسنزین صورت معلقه ده غیاباً محکومتی
جهته کیدلسی و مذکور خانه حقنه وقوعی ادا
اولان چزك نه تاریخده وقوعبولدینی واولبابده کی
چز نامه ك لازم کلنله تبلیغ اولنوب اولمقینی
وچزك نه اساس اوزرینه مبنی اولدیغك تحقیق
قلنامسی یولسز ومقار اصول وقانون بولمقیندن
بخله اعلامك قضی استدعا سندن ومدعی علیها
نازلینك لایحه سنده مندرج نتیجه جوابی دخی
اعتراضات واقعه نك واهی و بی اساس ایدوکی
بیانیه ردی وموافق اصول وقانون اولان اعلامك
تصدیق طلبندن عبارت بولمقشدر .

ایجابی مذاکره اولمقده اعلام مذکور
مألندن منفهم اولدینی اوزره مدعی علیه دعوت
اجابت ایتامسی اوزرینه مدعی طرفندن ادا
اولان بش یوز غروشك مدعی علیهم تحصیل
تحت حکمه المنش ایسه ده مدعی علیه مدعیه نك
دعواسنی انکار ایتکده اولسنه نظراً مدعی علیهم
ینه طلب اولنهرق اقامه ایده چکی شهودك

درسماده قوری چشمه ده لشکر انداز
ایکن الیوم باطومده بولنان نعمت خدا نام سفینه نك
سوارسی علی مصطفی قبودان ایله غلطه ده
کورکی قپوسنده قهوه خانه ده مقیم سفینه طاقه .

سندن درویش اوغلی رجب بیننده مشکون
دعوایه دائر درسمادت تجارت بحریه محکمه سندن
ویریلان ۱۳ مارت سنه ۳۱۳ تاریخلی اعلام
منزبور علی مصطفی قبودان طرفندن تمیز ایدلمکله
باش مدعی عمومیک مأموریت علیه سنك مطالعه
نامه سی النهرق اعلام مذکور طرفینك اعتراض
وجواب لایحه لرله بالمطالعه تدقیقات تمیزی
اجرا سنه ابتدار اولندی .

اعلام مذکور خلاصه مالی منبور
رجب افانك سفینه مذکور سوارسی علی
قبودان ذمتده آیلقندن متباقی اوچبوز طقسان
اللی وسفینه نك تعمیری اجرتندن طولانی متباقی
اوچبوز یکریمی درت غروشکه جماعاً بدی یوز
یکرمی غروش الیه جفنگ تحصیل وسفینه ده قالان
اشیالرینك طرفته تسلیمی حقنه اقامه ایلدیکی
دعوایه قارشو مدعی علیه مرقوم علی قبودان
سفینه طاقه لرینك صاحب سفینه طرفندن قبول
واستخدام اولنه کیکده اولسی جهته مدعیه نك
صاحب سفینه مه مراجعت ایتسی مقتضی اولوب
کندوسنه خصومت توجه ایتیه چکنی بیان ومدعی
رجب افا دخی کندوسی قبودان طرفندن اشچی
صقیله سفینه یه الندینی ومدعی علیه مرقوم ایسه

مدعیك سالف الذکر سفینه ده ایکی آی چالیشه رق
معاش واجرتی استیقا ایتدیکنی واشیای قیمتندن
قاری اولهرق رؤیت حساب اولنور ایسه کندو .
سنك آله جنی ظهور ایده چکنی وکیفیتک میزله
حواله سنی بیان وطلب ایتسیله کیفیت میزله
حواله اولنهرق انلر طرفندن ویریلان راپور
بالمطالعه سبق ایدن محاکمه وتدقیقات نتیجه سنده
مدعی رجب افا سفینه نك پای واجرتندن متراکم
یدی یوز یکریمی الی ویتاق واشیای سائره نك
عیناً ویاخود بدلی اولان بش یوزکه جماعاً بیك
ایکی یوز یکریمی الی غروشك تحصیلنی دعوی
ومدعی علیه دخی میزله معرفتیه رؤیت اولنان
محاسبه نتیجه سنده طقوز یوز کسور غروش
الیه جنی قالدینی مقابله ادا ایدوب حالبوکه
مدعیك اوله بر دینی اولدینی مدعیك اجرا
قلنان تحلیفه ثابت اولدینی کی اشیای مدعا بهانك
دخی سفینه ده قالدینی مدعی علیه اقراریه ثابت
اولدینه بناء مدعیك پای واجرتندن بدی یوز
یکرمی الی غروشله یتاق واشیاسنك عیناً ومستهلك
ایسه بدلی اولان بش یوز غروشك مدعی علیه
علی قبودان تحصیلنه حکمدن ومستدعی تمیز
علی قبودانك اشبو حکم علیهنده لایحه سنده محرر
اعتراضاتك باشلوجه سی دعوا ی واقعه میاننده

یتاق و یورغان مثلواشیانک عیناً و بیدلاً استردادینه حکم اتمک تجارت بحریه محکمه سنک وظیفه سندن خارج اولدینی کبی مدعی مر بور رجب انا دعوا سنی اثباتدن اظهار عجز ایدرک کندوسنه یمین تکلیف ایتیش و کندوسی دخی یمینه حاضر بولمشیکن بلا یمین دعوا به نتیجه ویرلسی مغایر قانون اولد یفتندن بختله اعلامک تقضی و لایحه جوابیه مؤداسی دخی اعتراضات واقعه نك واهی و بی اساس اولدینی بیانیه ردی و اعلام مذکورک تصدیقی استدعا سندن و سالف الذکر مطالعه نامه مائی دخی وظیفه حقنده کی اعتراضک موافق قانون اولدینی بیانندن عبارتدر .

اول امرده وظیفه حقنده درمیان اولنان اعتراضک غیر وارد اولغله ردی قرار گیر اولدقندن صکره اساس ماده نك ایجابی مذاکره اولنده اعلام مذکور مندرجاتندن منفهم اولدیغنه کوره عیناً اعاده سی تحت قراره التان منازع فیه اشیانک الیوم موجود اولوب اولدیغنک تحقیقه مدعابه اشیانک تماماً موجود اولدینی تحقق ایتدکدن و تماماً موجود دکله قیمتلی حقنده دخی محاکمه اجرا اولدقندن صکره تبیین ایده جک حاله کوره موجود ایسه یا لکر عیناً و مستهلک ایسه یا لکر قیمتیه تحصیلنه

حکم اولنقی لازم کلور ایکن اشیای مذکورده حقنده تحقیقات اجرا قلمقسنزین تردید ایله حکم اولنقی یولسز اولدینی کبی مدعینک اجرای تحلیفه کرچه مدعی علیه ک مدعین طقوز یوز غروش ادعاسی رد اولنقی لازم کلور ایسه ده مدعینک طلب ایله یکی یوز غروش اشبو یمین ایله تحقق وتبیین ایده میه جکندن بونک ایچون مدعین پنه طلب اولنقی و اثبات ایده ماز ایسه مدعی علیه ک تحلیفی اجرا قلنهرق مدعینک ادعاسی ردایدلک لازم کلور ایکن مدعینک یمینه استناداً مدعاسنک تحت حکمه النسی قانونه مغایر اولدیغنه بناء اصول محاکمه حقوقیه قانوننک ایکی یوز اونوز ایکنجی و ایکوز قرق برنجی ماده لری موجبجه اعلام مذکورک تقضیه و قانون مذکورک ایکوز قرق درنجی ماده سی حکمنه توفیقاً کیفیتک رؤیتی ضمننده تجارت بحریه محکمه سنه حواله سنه وزیرده مفرداتی محرر اوچوز طقسان سکر بچق غروش مصارف تمیزیه نك ایلروده حقسنز چقه جق طرفه رجوع اتمک اوزره اول امرده مستدعی تمیز علی قیوداندن النسته ۲۲ مایس سنه ۳۱۳ تاریخنده متفقاً قرار ویرلدی .

وتطبیقات لازمه اجرا ایدیلهرک مذکور مهرلر مدعی علیه لریک اولدینی و مرقوم یورکینک ازغیر تسلیات یکر می الی بیک التیوز یکر می برغروش آلاجنی قالدینی ثابت اولغله مبلغ مزبورک وقت معینده ویریه مامش اولدیغندن طولای بر موجب قونطورات یوزده یکر میدن ضرر وزیانی اولان یدی بیک قرق غروشکک جمعا بالغ اولدینی اونوز اوچ بیک الی یوز التیش غروشدن مدعینک تحت اعتراضده اولان اوچ بیک یوز اون اوچ بچق غروشکک بالتزویل باقی مدعینک مطلوبی اولدینی تحقق ایدن اونوز بیک بش یوز قرق یدی بچق غروشکک مدعی علیه مرقوموندن مع فائض تحصیلنه دایر اعتراض علی الحکم اوزرینه و جاهاً صادر اولان اعلامک عند الاستیناف تصدیقته حکمدن و مستدعی تمیزک اشبو اعلام علیه نه لایحه سنده محرر اعتراضاتک باشلوجه سی اصول محاکمه حقوقیه قانوننک یوز النجی ماده سنه توفیقاً بوباید کندوسنه برکونه پروتستو تبلیغ اولنماش ایکن فائض حساب ایدرجه سنه یدی بیک قرق غروش ضرر وزیان تقدیر ایدلسی مخالف اصول و قانون اولدینی عند الاستیناف درمیان اولدینی خالد محکمه استینافجه بوراسنک نظر دفته النامسی و کندو طرفندن وقوعبولان تسلیات سندرینی

ایسه بولی قضاسنه ملحق چتال زیتون اسکله سی اها لیسندن و تجارتدن قره خلیل زاده حسنی افندی ایله قضاء مذکورک باطریوس قریه سنده مقیم کراسته جی اصنافندن اطری اوغلی یورکی پیننده متحدث دعوا به دایر قسطمونی استیناف محکمه سندن تجارت محکمه سی صفقی و ۲۴ اغستوس ۳۱۲ تاریخ و طقسان ایکی عددی ایله صادر اولان اعلام مومی الیه حسنی افندی طرفندن تمیز اولنغله طرفینک اعتراض و جواب لایحه لریله بالمطالعہ تدقیقات تمیزیه اجراسنه ایتدار اولندی .

اعلام مذکورک خلاصه مائی مرقوم یورکی مومی الیه حسنی افندی ایله برادری محمد افندی ذمتنده باقونطوراتو مطلوبی اولان اونوز اوچ بیک الی یوز التیش بر غروشکک مومی الیهما ایله کفیللری متوفی یوسف اغانک اوغلی مصطفی افندی دن مع ضرر وزیان تحصیلنی طلب و دعوی وسند مذکور ی ابراز واعطا ایتسی و مدعی علیه مرقومونک دعوتیه اجابت ایتاملری اوزرینه وکیل مسخر حضور یله غیاباً جریان ایدن محاکمه و تدقیقاته مبلغ مدعابه ک مستند اولدینی سندزیرینه موضوع مهرلر وکیل مسخر جانبندن انکار اولنمش ایسه ده اهل خبره معرفتیه تدقیقات

خایع ایلدیکی شهود ایلله اثبات ایلده جکئی ادعا یتمش ایکن
شهود استماعی تجویر اولنماسی و اخیراً تعاطی
اولن سندن ایلله اولکی مقاوله نامه نك حکمی فسخ
ایلدیکی حالدده موضوع مقاوله نامه احکامنه استناداً
ضرر و زیان حکم ایدلمسی یولسز و مخالف قانون
اولدیغندن بمثله اعلام مذکورك نقضی استدعاسندن
ومدعی علیک نتیجه جوابی دخی اعتراضات
مذکورنك واهی اولدیغنی بیانیه ردی و اعلامك
تصدیقی طلبندن عبارت بولنمشدر.

ایجابی مذاکره اولندوقده اعلام مذکور
مندرجاتسندن منضم اولدیغنی اوزره حکمه سبب
اتخاذ قلنان ۶ تشرین ثانی سنه ۳۱۰ تاریخلی مقاوله نامه
ایله مقاولات محرر لکندن مصدق اولان
۲۱ جزیران سنه ۳۱۱ تاریخلی سندك عیناً و یا خود
مالی اکلاشیله حق صورتده خلاصه اعلام میزبهه
درج ایدلمسی لازم کلورکن ایدلامسی عندالحاکمه
مدعی علیه تسلیات ادعاسنی اثباتدن اظهار عجز
ایلدیکی جهته خصمه یمین تکلیفنه حق درکار
ایکن محکمه جه یمین تکلیفنه حق اولدیغنه قرار
ویرلسی یولسز و مغایر قانون کورنمش اولدیغندن
اصول محاکمه حقوقیه قانوننك ایکوز قرق برنجی
ماده سی موجبیه اعلام مذکورك نقضیه و قانون

مزبورك ایکوز قرق دردنجی ماده سی حکمه
توفیقاً کیفیتك بالرؤیه اعلامه ربطی ضمننده محکمه
مذکوریه اعاده سنه وزیرده مقررانی مرقم اوچوز
طقسان سکر بچق غروش مصارف تمیزیه نك
ایلروده حقسز حقیقه حق طرفه عائد اولق اوزره
اول امرده مستدعی تمیزدن النسنه ۲۲ مایس
سنه ۳۱۲ تاریخنده متفقاً قرار ویرلدی.

اعلان

عطوقلو خلیل نشئه بک افندی حضرتلرینك
مقدما والده خاننده مقیم ایکن الآن غیوبتی
تحقق ایلیان فرید بکک علیهنه استحصال ایدوب
اجرا داره سنه تودیع ایلدیکی برقطعه اعلام غیابی
موجبیه مشار الیه حضرتلرینك عهدۀ تصرفده
بولنان بیوک والده خاننده واقع مغازه سی اوزرینه
نیجاولزه مومی الیه فرید بکک انشا ایتدیرمش
اولدیغنی ابنیه نك هدی و تجاوز واقعه نك منعی
ومصارف محاکمه نك تحصیلی محکوم بولنمش و حکم

اعلامك اجرایی مشار الیه حضرتلری جانبندن
باعرض خال طلب واستدعا قلمش اولدیغندن تاریخ
اعلانن اعتباراً طقسان بر کون طرفنده دائرة
اجرایه مراجعت ایلدیکی حالدده حکم اعلامك
تمامی اجرایی جهته کیدیه جکی درسعادت
اعلامات نظامیه اجرا داره سندن اعلان اولنور.
۱۲ مایس سنه ۳۱۴


نفیسه خانمك درسعادت بدایت محکمه سی
برنجی حقوق داره سندن استحصال ایلدیکی اعلام
موجبیه سمیدجی عمر اغا ذمتنده الاجنی اولان مبالغ
معلومه نك تأمین استیفاسی چون مدیون مرقومك
پدرندن منتقل متصرف اولدیغنی چرچرده حاجی
حسن محله سنده واقع یدی نومرولو براقه عرصه
سندن مستقر سمیدجی کدک نك سکر حصه اعتباریه
بر حصه سنك تاریخ اعلانن اعتباراً اون بش کون
صکره بالمزایده فروخته تشبث اولنه جنی درسعادت
اعلامات نظامیه اجرا داره سندن اعلان اولنور.
۱۸ مایس سنه ۳۱۴

شرف الدین خیری افندی نك درسعادت ایلکنجی
حقوق محکمه سندن استحصال ایلدیکی اعلام موجبیه
خدیجه شریفه خانم ذمتنده محکوم به الاجنی اولان
معلوم المقدار مبالغك تأمین استیفاسی ضمننده مدیونۀ
مومی الیهانك پدری متوفی عبدالحمید افندی و والده سی
هدایت خانلردن ارثاً و عادیاً عهدۀ سنه انتقال ایدن
طوپخانه ده طم طم محله سنده یکی چارشو جاده سنده
واقع حریمه ملحق شوھی قادین وقفندن اوتوز بش
واوتوز یدی و اوتوز طقوز و قرق بر و قرق اوچ
و قرق بش و قرق یدی نومرولره مرقم یدی باب
براقه دکانلرینك حصه لری دایئۀ مومی الیهك طلب
واستدعاسی اوزرینه تحت حجزه النمش اولغله

مجلس متوفی السطاش غره غور یادینک
سندی کلری میخالا کی وفخری افندیلرک حاجی
حق افندی وزوجه سی صدیقه خانم ذمتنده باعلام
نظامی محکوم به مطلوبلری اولان مبالغت تأمین
وتسویه سی ضمتنده محجوز اولوب صدیقه خانم
عهده سنده بولنان قالدیقلر باشنده واقع تخمیناً
یتیمش ارشون عرصه اوزرینه مبنی شهری التیوز
غروش کیرالی تحافی وچارشوی کیرک ترزی
باشی زقاغنده تقریباً اوتوز ارشون عرصه اوزرینه
مبنی شهری اوجیوز التیمش غروش کیرالی واون
نومرولی ترزی دکانلرینک ثلث حصه لریله حاجی
حق افندیکنک عهده سنده بولنان چنکل قریه سنده
حوض باشنده تخمیناً طقوز یوز ارشون عرصه
اوزرینه مبنی حرم سالاملق اوج قاندن عبارت
اون طقوز اوطه و مطبخ وکیلار وبر صو خزینه سی
وبر چاشو خانه و اوج قورنه لی کارکیر برحام ایله
ارقه طرفنده درتیوز الی ارشون باغچه یی حاوی
یوز یتیمش اوج نومرولی خانه و اتصالده تخمیناً
قرق دوئمدن عبارت و دروننده ایکی بوستان قیوسی
وایکی باغچوان اوطه سی وبر آخوری بولنان یوز یتیمش
بش نومرولی باغک ثلث حصه لری وانا طولی
حصارنده واقع تخمیناً بیک ایکوز ارشوندن عبارت
دروننده کارکیر برکیلار وبر مطبخ و خراب برحام

وایکی قیو و دروننه جاری ماء لذیدی حاوی ۶۴
نومرولی برقطعه عرصه کنک تمامی التیمش برکون
مدتله اجرا قلنان مزایده علیه اوزرینه لیرایوز
غروش حسابیله اوتوز بر نومرولی دکان بشیک
ایکیوز واون نومرولی دکان اوج بیک ایکی یوز
ویوز یتیمش اوج نومرولی خانه مع باغچه ویوز یتیمش
بش نومرولی باغ سکر بیک بشیوز و مذکور
التیمش درت نومرولی عرصه یکریمی بر بیک
غروشده طالبی عهده سنده تقرر ایتیمکله یوزده
بش ضم ایله طالب اولنلرک ودها زیاده معلومات
المق استه یانلرک تاریخ اعلاندن اوتوز بر
کونه قدر بی ایتیمکله برابر درسعادت اعلامات
نظامیه اجرا دائره سنه مراجعت ایللری اعلان
اولنور.

۱۸ مایس سنه ۳۱۴



(مطبعة عامره ده طبع اولمشدر)